



Samningur milli keppanda, liðsstjóra og Landsliðsnefndar vegna HM2015.

Keppandi á Heimsmeistaramóti íslenska hestsins í Herning í Danmörku 2015, XX XXXX, kt. XXXXXX-XXXX sem keppir fyrir Íslands hönd í keppnisgrein XX, hér eftir nefndur keppandi, og liðsstjóri íslenska landsliðsins fyrir hönd Landsliðsnefndar gera með sér eftirfarandi samning:

1. Keppandi staðfestir að hafa kynnt sér reglur LH og ÍSÍ varðandi keppnisferðalög, auk reglna ÍSÍ um lyfjamál (sjá fylgiskjöl). Keppanda er ljóst að reglurnar gilda frá því að keppandi er valinn í landsliðið og þar til keppnisferðinni lýkur við komu til heimalands á ný. Keppandi heitir því að leitast við að gæta íþróttamannslegrar hegðunar og framkomu í hvívetna og sýna landsliðinu, liðsfélögum sínum, liðsstjóra og öllum þeim sem koma að landsliðinu virðingu. Keppandi skuldbindur sig til að hlíta framangreindum reglum í einu og öllu ásamt öðrum þeim fyrirmælum sem liðsstjóri og landsliðsnefnd kunna að gefa vegna þátttöku á móti þessu.
2. Keppandi hefur kynnt sér lög og reglur sem gilda um sóttvarnir og skuldbindur sig til þess að fylgja þeim í hvívetna. Eru reglurnar viðauki við samning þennan. Keppanda er ljóst að vegna smithættu eru keppnishrossin sem koma frá Íslandi í sérstakri sóttkví á mótinu og skuldbindur keppandi sig til þess að virða sóttkvína þannig að ef keppandi er að vinna með og keppa á hrossum sem þar eru mun hann ekki sinna eða keppa á hrossum á mótinu sem ekki eru í sóttkvínni.
3. Keppanda er það ljóst að honum er óheimilt að taka að sér kennslu eða þjálfun vegna annarra liða á meðan á mótinu stendur.
4. Keppandi lýsir því hér með yfir og hefur til þess umboð frá eiganda hrossins að gefa hrossið falt til að fara í keppni á mótinu og mun hann ekki breyta þeirri afstöðu sinni nema ef keppnishrossið forfallist. Einungis trúnaðarlæknir og dýralæknir landsliðsins geta gefið út vottorð um að hrossið hafi forfallast og skal því komið til liðsstjóra.
5. Keppandi og/eða aðstoðarmaður hans annast hrossið á keppnisstað. Keppandi skuldbindur sig til að ganga vel um starfsaðstöðu landsliðsins á keppnisstað og ber ábyrgð á að aðstoðarmaður hans



- geri það líka. Keppandi skuldbindur sig til að þrifa sína starfsaðstöðu að mótinu loknu, ef það er ekki gert þá lætur liðsstjóri gera það á kostnað keppandans.
6. Keppandi skuldbindur sig til að ganga vel um starfsaðstöðu landsliðsins og tryggja að hún sé snyrtileg og umferð og gestagangur um aðstöðuna verði í lágmarki þannig að hross og keppendur hafi sem bestan frið til að undirbúa sig fyrir keppnina. Stefnt skal að því að ekki aðrir en keppendur sjálfir, ásamt sínum aðstoðarmönnum, liðsstjóra og liðsstjóranefnd séu þar með umgengni nema að sérstakar ástæður séu fyrir því.
 7. Landsliðsnefnd greiðir flugfargjald fyrir keppanda til Herning og til Íslands aftur samkvæmt ferðaplani sem liðsstjóri og Landsliðsnefnd ákveða. Landsliðsnefnd greiðir hótलगistingu fyrir keppanda á hóteli sem Landsliðsnefnd ákveður hvert er. Annar ferða- og uppihaldskostnaður verður ekki greiddur af Landsliðsnefnd.
 8. Landsliðsnefnd veitir keppanda ferðastyrk kr. 25.000 til að mæta kostnaði við ferðalög innan mótssvæðisins og frá mótssstað til gististaðar á meðan á mótinu stendur. Ferðastyrkurinn er greiddur við heimkomu og þegar fyrir liggur að Landsliðsnefnd hafi ekki haft kostnað af þátttöku keppanda á mótinu eins og t.d. viðbótar hótलगkostnaður og kostnaður við þríf sem keppandi átti að sjá um.
 9. Keppandi ber ábyrgð á að taka með sér allan búnað til keppni svo og allt sem þarf varðandi umhirðu fyrir hestana fyrir keppni. Keppandi ber sjálfur kostnað af slíku.
 10. Liðsstjóri ákveður og skipuleggur liðsfundi og er keppanda skylt að mæta á þá fundi sé hann boðaður.
 11. Liðsstjóri ákveður og skipuleggur þjálfunartíma einstakra keppenda og er keppanda skylt að mæta til æfinga og fara eftir fyrirskipun liðsstjóra í þeim efnum.
 12. Landsliðsnefnd sér um að ávallt sé til kaffi og vatn fyrir keppendur og aðstoðarmenn þeirra á þeim stað þar sem landsliðið verður með sína starfsaðstöðu. Aðrir drykkir svo og snarl verða keppendur að sjá um sjálfir og bera kostnað af því.



13. Keppandi skal afla fjár til stuðnings landsliðinu. Fyrstu 150.000 kr. -eitt hundrað og fimmtíu þúsund00/100- skulu renna óskiptar til landsliðsins. Efir að því hefur verið skilað skal keppandi fá 85% af hverri krónu sem hann aflar og landsliðsnefndin 15%. Innheimta fjár til stuðnings landsliðinu skal fara fram í gegnum skrifstofu LH. Skuldbindur keppandi sig til að fara með alla þá styrki og stuðning í hvaða formi sem er, sem hann aflar sjálfum sér og liðinu í heild, í gegnum skrifstofu LH.
14. Keppandi hefur kynnt mér auglýsingasamninga sem LH hefur gert og samþykkir hann þær skyldur sem samningar þessir kveða á um í einu og öllu. Í samningum þessum er m.a. ætlast til að auglýsingar frá fyrirtækjum sem styrkja landsliðið séu á fatnaði keppenda og að keppendur noti fatnaðinn á meðan á ferðinni stendur. Keppanda er ekki heimilt að ganga um í fatnaði merktum öðrum en þeim sem samningar LH kveða á um. Sama gildir um það hross sem keppandi er með í keppni.
15. Keppandi lýsir því jafnframt yfir að hvorki hann né aðstoðarmaður/menn hans noti merktan fatnað sem auglýsingu frá öðrum fyrirtækjum. Keppanda er óheimilt að tjá sig neikvætt um þær vörur/fyrirtæki sem auglýsingasamningar landsliðsins ná yfir. Einnig er keppanda óheimilt að koma fram í auglýsingum í fatnaði tengdum landsliðinu og/eða þar sem gefið er í skyn að landsliðið komi þar að nema með undirrituðu samþykki landsliðsnefndar.
16. Keppandi lýsir sig reiðubúinn til að koma fram fyrir hönd landsliðsins í auglýsingum og samkv. nánara samkomulagi m.a. til kynningar á því og til að stuðla að jákvæðri ímynd og framgangi íþróttarinnar.
17. Keppandi skuldbindur sig til að keppa í bláum jakka, sem afhentur er keppanda til láns á skrifstofu LH og skal klæðast hvítum reiðbuxum við jakkann. Á jakka þessum er auglýsing frá styrktaraðila LH og er skv. reglum FEIF. Við móttöku á landsliðsjakkanum greiðir keppandinn tryggingu að upphæð kr. 100.000 sem endurgreiðist að fullu við skil á jakkanum heilum og í sama ástandi og keppandi tók við honum.
18. Keppandi eða eigandi hestsins sem unnið hefur sér rétt eða hefur verið valin til þátttöku á heimsmeistaramótinu í Hernig greiðir flutningskostnaðinn kr. 450.000 fyrir hestinn til skrifstofu LH. í síðasta lagi 5 dögum fyrir brottför hestsins.



19. Þó svo að LH sjái um flutning á hrossum á heimsmeistaramótið, ber LH enga ábyrgð á því ef hross slasast í flutningum á mótssstað eða á mótinu sjálfu. LH greiðir ekki tryggingar fyrir landsliðshesta. Ef eigandi er annar en keppandi ber undirritaður fulla ábyrgð á því að kynna eiganda ofangreindan tryggingaþátt.

20. Keppanda er fullkunnugt um að landsliðsnefnd eða LH tryggja ekki keppendur og því eru keppendur jafnt utan sem innan vallar ótryggðir nema að keppandi sjálfur kaupi sér tryggingu og geri hann það, þá ber hann kostnaðinn af því. Mælt er með því að keppandi tryggi sig.

Keppanda er fullkunnugt um að brot gegn samningi þessum í heild sinni eða einstökum liðum hans og öðrum reglum sem liðstjóri kann að setja kunna að hafa þær afleiðingar í för með sér að keppanda verði vísað úr landsliðinu fyrirvaralaust. Keppandi gerir sér grein fyrir að aganefnd LH og dómstóll ÍSí fara með úrskurðarvald vegna brota sem eru framin á reglum LH, ÍSí og FEIF. Fara viðurlög við agabrotum eftir þessum reglum. Keppanda er ljóst að brjóti hann gegn þessum skuldbindingum, kann það að varða brottrekstur úr liðinu. Valdi keppandi landsliðinu tjóni með saknæmri hegðun, gerir hann sér ljóst að hann ber skaðabótaábyrgð á slíku tjóni skv. almennum reglum íslensks skaðabótarétts.

Reykjavík,

Undirskrif keppanda.

Undirskrift liðsstjóra

Formaður landsliðsnefndar. – Staðfest.